




O'ZBEKISTON RESPUBLIKASI
OLIY TA'LIM, FAN VA INNOVATSIYALAR VAZIRLIGI
TERMIZ DAVLAT UNIVERSITETI



**Hozirgi zamon o'zbek
tilshunosligi:
muammolar,
tahlil va
natijalar**



**RESPUBLIKA
ILMIY-AMALIY
KONFERENSIYASI
MATERIALLARI**

Termiz - 2024

ISBN: 978-9910-724-71-8



9 789910 724718

5852



VIII



**O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI**

TERMIZ DAVLAT UNIVERSITETI

**TERMIZ DAVLAT UNIVERSITETINING 70 YILLIGIGA
BAG‘ISHLANGAN
«HOZIRGI ZAMON O‘ZBEK TILSHUNOSLIGI:
MUAMMOLAR, TAHLIL VA NATIJALAR»
mavzusidagi Respublika ilmiy-amaliy konferensiya
materiallari**

2024-yil, 10-sentyabr

Termiz-2024

UDK: 821.512.164.09-1(092)(08)
KBK: 83.3(5Typ)ya43
M 32

**TERMIZ DAVLAT UNIVERSITETINING 70 YILLIGIGA BAG'ISHLANGAN
«HOZIRGI ZAMON O'ZBEK TILSHUNOSLIGI: MUAMMOLAR, TAHLIL VA
NATIJALAR» MAVZUSIDAGI RESPUBLIKA ILMIY-AMALIY KONFERENSIYANI
TASHKIL ETISH VA O'TKAZISH BO'YICHA**

TASHKILIY QO'MITA

Toshqulov A.H.	Termiz davlat universiteti rektori, tashkiliy qo'mita raisi
Shaydullayev A.Sh.	Termiz davlat universiteti ilmiy ishlar va innovatsiyalar bo'yicha prorektor, rais o'rinbosari
Axmedov H.Y.	Termiz davlat universiteti o'zbek filologiyasi fakulteti dekani
Amonturdiyev N.R.	Termiz davlat universiteti o'zbek tilshunosligi kafedrasini mudiri
Maxmaraimova Sh.T.	Termiz davlat universiteti o'zbek tilshunosligi kafedrasini professori
Umurkulov B.	Termiz davlat universiteti o'zbek tilshunosligi kafedrasini professori
Turdiqulov Sh.D.	Termiz davlat universiteti o'zbek tilshunosligi kafedrasini katta o'qituvchisi

TAHRIR HAY'ATI

Maxmaraimova Sh.T.	filologiya fanlari doktori, professor (mas'ul muharrir)
Turdiqulov Sh.D.	filologiya fanlari bo'yicha falsafa doktori (mas'ul kotib)
Xolova M.A.	filologiya fanlari bo'yicha falsafa doktori
Kurbanazarova N.Sh.	filologiya fanlari bo'yicha falsafa doktori
Ergasheva D.A.	filologiya fanlari bo'yicha falsafa doktori
Bozorov H.X.	filologiya fanlari bo'yicha falsafa doktori

Ushbu to'plam Termiz davlat universiteti tomonidan 2021-yil 4-noyabr kuni o'tkazilgan «Nazariy, amaliy tilshunoslik va til o'qitish metodikasi» mavzusidagi respublika onlayn ilmiy anjuman materiallaridan tashkil topgan.

To'plam materiallaridan filolog mutaxassislar, ona tili va adabiyoti o'qituvchilari hamda magistratura va bakalavriat talabalari foydalanishlari mumkin.

Maqolalarning ilmiy saviyasi, keltirilgan dalillarning haqqoniyligi uchun mualliflarning o'zlari mas'uldirlar.

Mazkur to'plam Termiz davlat universiteti Kengashining 30-avgustdagi 1-son qarori bilan tasdiqlangan.

**Hozirgi zamon o'zbek tilshunosligi: muammolar, tahlil va natijalar/
Respublika ilmiy-amaliy konferensiya materiallari to'plami. – Termiz: Termiz
davlat universiteti NMM, 2024.**

© Termiz davlat universitetining 70 yilligiga bag'ishlangan «Hozirgi zamon o'zbek tilshunosligi: muammolar, tahlil va natijalar» mavzusidagi Respublika ilmiy-amaliy konferensiya materiallari to'plami. Termiz davlat universiteti, 2024.

ISBN: 978-9910-724-71-8

© "Hozirgi zamon o'zbek tilshunosligi: muammolar, tahlil va natijalar"
mavzusidagi Respublika ilmiy-amaliy konferensiya materiallari
© "SURXON ILM NASHRI" nashriyoti, 2024-y.

V SHO‘BA. ONOMASTIKA VA ONOMASIOLOGIYA MASALALARI

QUYI ZARAFSHONNING MUSHTARAK TOPONIMLARI

Bayramali Ergashovich KILICHEV,
Buxoro davlat universiteti professori,
filologiya fanlari doktori

Farangiz Nurmatovna SHAROPOVA,
Buxoro davlat universiteti
filologiya fakulteti talabasi

Kishilik jamiyatining qadimiy maskanlaridan sanalgan Buxoroning paydo bo‘lishi va taraqqiyoti Zarafshon daryosi bilan bevosita aloqadordir. Hozirgi Buxoro va Navoiy viloyatlaridagi ko‘plab tarixiy nomlarning shakllanishi Zarafshonning quyi oqimidagi jihatlariga borib taqaladi. Tarixi, madaniyati, kundalik turmushidagi mushtarakliklari sababli Buxoro va Navoiy viloyatlarida bir xil nomlar ko‘plab uchraydi. Ushbu axborotda mazkur hududdagi aytim toponimlar semantik va etimologik jihatdan tahlil etilgan.

Kalit so‘zlar: Zarafshon daryosi, Quyi Zarafshon hududi, Buxoro, Navoiy, etnonim, toponim, etnotoponim, oykonim.

Geografik jihatdan Zarafshon daryosining quyi qismida hozirgi Navoiy va Buxoro viloyatlari joylashgan. Ushbu hududlar o‘tmishda turli davlatlar tarkibida bo‘lib, davrlar o‘tishi bilan ular mansub bo‘lgan maskanlar o‘zgarib borgan. Lekin mazkur hududlarning Zarafshon daryosi bilan bevosita bog‘liqligi sababli ular Quyi Zarafshon hududi deb nomlangan hamda bu nom bugungi kunga qadar o‘zgarishsiz yetib kelgan.

Quyi Zarafshon nomi ostida birlashgan bu hududlarda aholining etnik qatlami, kasb-kori, mashg‘ulotlari, urf-odat va marosimlari ham o‘zaro mushtarak bo‘lganligi sababli ularda uchraydigan toponimlarda ham bir qator o‘ziga xosliklarni kuzatish mumkin. Ushbu axborotda biz Navoiy va Buxoro viloyatlari toponimiyasida qo‘llanadigan mushtarak nomlar etimologiyasi hamda semantikasi xususida fikr yuritamiz.

Afg‘onon – Buxoro viloyatining Buxoro hamda Navoiy viloyatining Qiziltepa tumanlaridagi qishloq nomi. Toponim *afg‘on* etnonimi bilan bevosita aloqador. *Afg‘onon* – afg‘on xalqiga mansub kishilar yashagan maskan. Bu nomning paydo bo‘lishiga aholining migrastiyasi asos bo‘lgan.

Arabxona – Buxoro, Kogon, Karmana, Shofirkon, Qorako‘l, G‘ijduvon tumanlaridagi qishloq nomi. *Arabxona* – «arablar yashaydigan joy» ma’nosida. *Arab* etnonimi asosida ko‘plab toponimlar shakllangan. Bizning hududimizga

arablarning bir qismi VIII-IX asrlarda, bir qismi keyingi asrlarda kelgan. Aslida professor V.A.Shishkin ta'kidlaganidek, O'zbekistonda arablarning qachon kelganligi hanuzgacha uzil-kesil aniqlangan emas.

Tadqiqotchi N.Adizova o'zining monografiyasida *arab* so'zi asosli nomlar O'zbekistonning ko'pchilik viloyatlarida uchraydigan qishloq va mahallalarni atashini qayd etgan. *Arablar, Arabon, Arabo (Arabo)* va boshqa ko'rinishdagi atamaları ham mavjud bo'lib, ular «arablar qishlog'i», «arablar yashaydigan joy» ma'nolariga ega. Bu nomlar O'rta Osiyoning arablar tomonidan bosib olinishi davridan boshlab, undan keyingi asrlarda ham kelib o'rnanishgan arablar bilan bog'liq [1, 10].

Prof. T.Nafasov arablar istiqomat qiladigan aholi punktlarida quyidagi tur arablar mavjudligini qayd etgan: 1) arab tilini bilmaydigan, qarluq lahjasida gaplashadigan arablar; 2) arab tilini biladigan, o'zbekcha so'zlashadigan, tojik tilini bilmaydigan arablar; 3) arab va tojik tilini bilmaydigan, o'zbekcha so'zlashadigan arablar; 4) arab tilini bilmaydigan, tojik va o'zbek tillarida so'zlashadigan arablar. So'nggi ikki tur arablar yashaydigan aholi punktlari *Arabxona* deb ataladi. Etnik tarkib joylarning nomlanishiga asos bo'lgan [2, 45].

Ayronchi – Buxoro, Romitan, Navoyi, Shofirkon, Qiziltepa tumanlaridagi qishloq nomi. *Ayronchi* o'zbek xalqi tarkibiga kirgan urug'lardan birining nomidir. Kenagaslarning *ayronchi* degan urug'i bor. Nom yasama etnonim bo'lib, *ayron* va *-chi* morfemalaridan tuzilgan. *-chi* affiksi ma'no va vazifasiga ko'ra etnomika va toponimikada *-li*, *-lik* affikslariga yaqin turadi: *ayronchi* – *ayronli (-k)*, *kiyikchi* – *kiyikli (-k)* kabi.

Asbob – Vobkent, Romitan, Qiziltepa, Shofirkon tumanlaridagi qishloq nomi. XI-XII asrlarda biror kishiga qarashli yer *asbob* deyilgan («asbob» arabcha so'z, birligi «sabab» (XVI-XVII asrlarda, odatda, yerdan tashqari mulk *asbob* deb atala boshlangan. Buxoro viloyatidagi *asbob* deb atalgan qishloqlar bundan 6-7 asr oldingi davrdan qolgan toponimlar bo'lsa kerak. *Asbob* so'zidan keyin bu yer kimniki yoki qanday joy ekanligini bildiradigan aniqlovchi bo'lgan, chunonchi, *Asbobi Kofiron* ya'ni «Kofirlar yeri». Keyingi davrlarda aniqlovchi so'zi tushib qolib, *Asbob* terminining o'zi qolgan [3, 19].

Bahrin – Olot, Vobkent, Romitan, Karmana, Xatirchi tumanlaridagi qishloq. Navoiy viloyatida *Tamabahrin* (Xatirchi tumanidagi qishloq va ko'cha nomi) hamda *Quchchibahrin* (Xatirchi tumanidagi qishloq nomi) ham mavjud.

Bahrin turkiy urug'lardan birining nomi bo'lib, toponim shaklida ko'p uchraydi. Bu urug'ning *qoraqalpoq, bahrin, uyali bahrin, nayman bahrin, bag'anag'li bahrin* kabi tarmoqlari bo'lgan. *Bahrin* – turkiylashgan mo'g'ul qabilalardan biri.

Abulg'oziy Bahodirxonning «Shajarayi turk» asaridagi ma'lumotlarga ko'ra, mo'g'ul xoni Bichinkayonning Barin ismli o'g'li bo'lib, Bahrinlar

o‘shaning nasli ekan. Etnograf V.V.Radlovning ta’kidlashicha, mang‘it sulolasiga mansub har bir bo‘lajak Buxoro xonini to‘rt qabila — ming, alat (arlot), bahrin va batash vakillari kigizga o‘tqazishib, to‘rt uchidan baland kutarishgan. Bahrinlar xonlikning ijtimoiy-siyosiy hayotida muhim rol o‘ynaganlar, yuqori davlat mansablariga tayinlanganlar. 16-17-asrlarda bahrinlarning katta bir qismi Dashti Qipchoqdan Toshkent vohasi, Farg‘ona vodiysi, Buxoro xonligi hududiga ko‘chib o‘tgan, ko‘pchiligi o‘troqlashib, qabila va urug‘larini unutib yuborishgan. 1924-yil ma’lumotiga binoan, O‘zbekistonda 9 mingga yaqin (Zarafshon vohasida – 2300 kishi, Buxoro viloyatida – 3770 kishi, Jizzax tumanida – 2000 kishi) bahrin bo‘lgan. Bahrinlar bir qancha urug‘larga bo‘lingan, eng yiriklari — bag‘onali, qoraqalpoq, uyali [5, 669].

Bo‘ston – Olot, Jondor, Qiziltepa tumanlaridagi qishloq nomi. Bo‘ston odamning mehnat faoliyati natijasida bunyod etilgan obod, serbog‘, gullagan joy. Bo‘ston etnonimi ham bor. Bir qancha *Bo‘ston* deb atalgan joylar o‘sha urug‘ nomidan kelib chiqqan. Shunisi qiziqki, o‘zbek urug‘larining ko‘pchiligi muayyan ma’no anglatadi: *Bo‘ston* – etnonim, *bo‘ston* – guliston. Xo‘sh, bunday paytda toponimlarni qanday farq qilish kerak? Bizning kuzatishimizga qaraganda, agarda toponim hech qanday qo‘shimchasiz birgina o‘zakdan iborat bo‘lsa, u albatta, etnonim bo‘ladi [3, 35]. Marg‘ilon atrofida o‘zbeklarning *bastan* urug‘i qayd etilgan. Qirg‘izlarning ham *bastan* urug‘i bor. *Bostan* – turkiy qabiladan biri. Xullas, *bo‘ston* urug‘i nomi (etnonim)dan atoqli ot (oykonim)ga o‘tgan.

Gumbaz – Qiziltepa tumanidagi qishloq nomi. Qubbali bino gumbaz deyilgan; shu bilan birga toza suv saqlanadigan sardobalar ham ustida pishgan g‘ishtdan gumbazi bo‘lganidan qisqagina *gumbaz* deb atalgan. Nom hududdagi inshoot asosida paydo bo‘lganligini taxmin qilish mumkin. Lekin aytish lozimki, Zarafshon daryosida yashaydigan qoraqipchoqlarning bir urug‘i *gumbaz* deb atalgan [6, 123]. Nomga etnonim asos bo‘lganligi ham ehtimoldan xoli emas. Buxoro viloyatining Kogon tumanida Xo‘ja Gumbaz qabristoni ham mavjud.

Darxon – Karmana, G‘ijduvon tumanidagi qishloq nomi. VII asrdan boshlab yozma manbalarda qayd qilingan, *tarxan* – *tarxon* – *tarxun* so‘zining kelib chiqishi aniq emas. M.Ryasyanen xitoy yo koreys tilidan, G.Dyorfer ham turkiy tillarga boshqa tillardan o‘tganligini ta’kidlaganlar. VII-VIII asr Mug tog‘i hujjatlarida Samarqand hukmdorining ismi Tarxun, Hazar xonlarining ismlarida, gruzin ism va familiyalarida ham shu o‘z bor. *Tarxan* so‘zi turli variantda ko‘pchilik turkiy va mo‘g‘ul, eronim, kurd, osetin, so‘g‘d, afg‘on, gruzin, arman, venger, rus tillarida mavjud.

Darxon yoki tarxon so‘zining a) *mansab nomi*; b) *soliq va to‘lovlardan ozod qilingan kishi*; c) *tabarruk, daxlsiz mulk*; d) *temirchi* (hozirgi mo‘g‘ul

tilida) kabi ma'nolari bor [7, 47]. A.I.Abayev *tarxan* – *darxan* so'zining osetincha deb qarab uni *sud* va *sudya* [8, 442] deb izohlangan. Sudya ma'nosi bilan bu so'z eski venger tiliga alan tillaridan o'zlashgan. Sudya ish faoliyatiga ko'ra tarjimon. Slavyan tillarida *tarxan* so'zining shu ma'nosi mavjud. Sudya va tarjimon so'zlari o'rtasida semantik bog'liqlik bor, ya'ni har ikkalasi ham tushuntirib beruvchi. Shimoliy eroniy tillarga xos *tarxon* so'zining, *tarjimon* kabi aniq ma'nosidan imtiyozli, taniqli kishi kabi umumiy ma'no kelib chiqqan. Ana shu ma'nosi bilan u unvon mansab nomi sifatida qo'llangan, kishi ismlari tarkibiga qo'yilgan. Ana shu ma'no bilan u turkiy va boshqa tillarga o'tgan. Kichik Osiyoda qadimda *tarxun* – xudo, shoh, hukmdor nomi. XI asrda Gruziyada *Tarxon*, *Tarxuniya* ismlari bo'lgan: gruzin tilida darxan – tarxan: *shahzoda shoh qizi*, *hukmdor unvoni*, *mansabdor*, *yuksak unvon* ma'nolariga ega bo'lgan. Gruzin tilidan eroniy tillar orqali boshqa tillarga o'tgan. Turkiy va mo'g'ul tillariga ham shu tarzda o'zlashgan. *Xonning aziz kishisi*, *soliqdan ozod kishi*, *imtiyozli kishi yoki tabaqa*, *e'zozlangan kasb egalari*, *qurolsiz hunarmand*, *rassom* kabi ma'nolari keyinchalik yuzaga kelgan. Qadimgi turkiy yodnomalarda *tarxan* unvonni bildirgan va turkiy kishi ismlariga qo'shilgan: Alp Tarxan, Ayluch Tarxan va boshqalar. Mahmud Koshg'ariyning yozishicha, arg'ular tilida bekni bildirgan, islomiyatdan ilgari qo'llangan. Toponim kasb-kor, amal-mansab nomidan olingan.

Xullas, Quyi Zarafshon toponimiyasida bir qator o'xshashliklar mavjudki, bular hududning tarixi, geografik xususiyatlari, aholining etnik qatlami hamda turmush tarzi bilan bevosita bog'liqdir. Zarafshonning quyi oqimida joylashgan maskanlardagi nomlarning boshqa yana bir qator o'ziga xos xususiyatlari mavjudki, ularni semantik va etimologik hamda tarixiy jihatdan tadqiq etish nafaqat tilshunoslik, balki tarix va etnografiya uchun ham muhim ahamiyat kasb etadi.

Adabiyotlar

1. Adizova N.B. Buxoro tumani toponimlari. Monografiya. – Toshkent: Navro'z, 2020. – B. 10.
2. Нафасов Т. Қашкадарё қишлоқномаси. – Тошкент: Мухаррир, 2009. – Б. 45.
3. Қораев С. Географик ном маъносини биласизми? – Тошкент: Ўзбекистон, 1970. – Б. 19; 35.
4. Владимирцов Б.Я. Общественный строй монголов. Монгольский кочевой феодализм. – Л.: Наука, 1934. – С. 49.
5. Ўзбекистон миллий энциклопедияси. 12 жилдлик. 1-жилд. – Тошкент: Ўзбекистон миллий энциклопедияси, 2000. – Б. 669.
6. Шаниязов К. К этнической истории узбекского народа. – Ташкент, 1974. – С. 123.

7. Дўсимов З., Эгамов Х. Жой номларининг қисқача изоҳли луғати. – Тошкент: Ўқитувчи, 1977. – Б. 47.
8. Абаев А.И. Этимологические заметки. Труды института языкознания. Том №6. – М.: Наука, 1956. – С. 442.

DARBAND VA OQQO‘TAL TOPONIMLARI TAHLILI

Sharif YOQUBOV,

Termiz davlat universiteti dotsenti,
filologiya fanlari nomzodi

Maqolada Darband va Oqqo‘tal toponimlari har tomonlama tahlil qilinadi. Tahlil davomida ularning o‘zaro aloqadorligi aniqlanadi. Oqqo‘tal so‘zi bir qator tovush o‘zgarishlariga uchrab bugungi kunda ushbu ko‘rinishga ega bo‘lib qolganligi nazariy jihatdan asoslanadi. Alisher Navoiyning «Saddi Iskandariy» dostonida qo‘llangan «Temirdan qurilgan darvoza» haqidagi fikrlari yuqoridagi toponimlar bilan mushtaraklikni tashkil etadi.

Tayanch so‘zlar: toponimika, Darband, ko‘tal, tovush o‘zgarishi, Baqtriyaning Darband mudofaa devori, temirdan qurilgan darvoza.

Toponimlar onomastikaninig bir turi bo‘lib ayrimlari juda qadim zamonlardan buyon mavjud bo‘lsa, bir qator toponimlar yaqin o‘tmishimizda hosil bo‘lgan nomlar hisoblanadi. Ba‘zi toponimlar hozirgi kunda ham yuzaga kelayotgani ma‘lum. Shuning uchun ular qaysi davrda yuzaga kelgan bo‘lsa o‘sha davr kishilarining turmush tarzi, yashash sharoiti, an‘analari, urf-odatlarini, diniy va dunyoviy dunyoqarashlarini ham o‘zida mujassamlashtiradi. Shu jihat bilan ular o‘zbek tili leksikasining rivojlanib borishiga monand ravishda taraqqiy etadi. Ayrimlari o‘tmish davrlar darakchisi [1, 44-45] bo‘lib xizmat qiladi. Ayrim toponimlarning ma‘nosini oson tushinib olish mumkin bo‘lgani holda ba‘zilarining semantik mazmunini bir qator tadqiqotlar orqali tushunib olish, uning asl ma‘no-mohiyatini anglab olish mumkin. Chunki ularning ayrimlari o‘tmish davrlarda paydo bo‘lib keyinchalik xilma-xil sabablarga ko‘ra tovush o‘zgarishiga uchrab to‘g‘ridan-to‘g‘ri ma‘nosini tushunib olish qiyin bo‘ladi. Shu jihatdan qaraganda Viloyatimizning Boysun tumanidagi mashhur Temir darvoza hududida joylashgan Oqqo‘tal toponimi ham ana shunday joy nomi hisoblanadi. Termiz - Toshkent avtomobil yo‘lining Sho‘rob daryosi ustiga qurilgan ko‘prikdan o‘tib bir oz yurilgach, Boysundan kelayotgan yo‘l Darband qishlog‘idan ikki km. o‘tib Termiz-Toshkent yo‘liga qo‘shiladi va birdan g‘arbga buriladi. Shu

KILICHEV Bayramali, SHAROPOVA Farangiz	Quyí Zarafshonning mushtarak toponimlari	274
YOQUBOV Sharif	Darband va Oqqo‘tal toponimlari tahlili	278
IBRAGIMOVA Zamira	Xo‘jayli tumani etnotoponimlarining lingvistik tahlillari	283
KULTAYEVA Fazilat	Ergonimlarni o‘rganish tamoyillari xususida	287
KENJAYEV Zohirjon	Boysun tumani oronimlarida etnooronimlarning ma‘noviy xususiyatlari	291
BAYMATOVA Barchinoy	Qarshi shahri yemakxona nomlarining semantik xususiyatlari	295
ABDUVALIYEVA Kamola	«Shajarayi turk» asaridagi ba‘zi etnonimlarning hozirgi o‘zbek etnotoponimlariga munosabati	299
MIRZAYEVA Moxichexra	Denov tumanidagi ayrim etnotoponimlar	304
MUHSINJONOVA Shirinoy	«Devonu lug‘otit-turk» asarida poliz ekinlari nomlari	308
DAVRONOVA Zarnigor	Cho‘lpon she‘riyatidagi antroponimlarning kognitiv-semantik tahlili	311
NABIYEVA Rushana	O‘zbek tili oziq-ovqat mahsulotlari nomlarida jins-tur munosabati	316
URAZIMBETOVA Nilufar	Nukus tumanidagi toponimlar va oykonimlar tasnifi	319

VI SHO‘BA. QIYOSIY-CHOG‘ISHTIRMA TILSHUNOSLIKNING NAZARIY VA AMALIY MASALALARI

ELTAZAROV Jo‘liboy	Gramer kategorilerin türkçenin dilsel doğasına göre yorumlanması üzerine	323
VALAPPIL Sajid, ABDURAKHMONOVA Nilufar	Code switching (cs) – social, economic, and demographic factors drive the emergence of ‘uzbglish’ (mixture of uzbek and english)	333
РАСУЛОВА Нилуфар	Мамнўбиятҳо ва эфемизмҳо ва истифодаи онҳо дар лаҳчаҳо	342

**O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI**

TERMIZ DAVLAT UNIVERSITETI

**TERMIZ DAVLAT UNIVERSITETINING 70 YILLIGIGA
BAG‘ISHLANGAN
«HOZIRGI ZAMON O‘ZBEK TILSHUNOSLIGI:
MUAMMOLAR, TAHLIL VA NATIJALAR»
mavzusidagi Respublika ilmiy-amaliy konferensiya
materiallari**

2024-yil, 10-sentyabr

Muharrir: Maxmaraimova Sh.T.

Musahhih: O.Nizomiddinov

Texnik muharrir: A.Bo‘riyev

Kompyuterda sahifalovchi: F.Abdimurodov

Bosishga ruxsat etildi: 09.09.2024-yil.

Ofset bosma qog‘ozi. Qog‘oz bichimi 60x84 ¹/₁₆.

“Times New Roman” garniturası. Ofset bosma usuli.

Shartli b.t. 26,25. Adadi 100 nusxa. Buyurtma № 128.

Termiz davlat universiteti NMM bosmaxonasida chop etildi.

Manzil: Termiz shahri, “Barkamol avlod” ko‘chasi, 43-uy.

9434

